



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-450-10/22**
Datum: **19.12.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „MODERNIZACIJA“ d.o.o. Gradačac, Podružnica Bihać, za izdavanje vodne dozvole za ispuštanje onečišćenih oborinskih voda sa lokacije objekta za skladištenje sekundarnih sirovina sa pratećim sadržajima, izgrađenog u ulici Ribičkih Ijljana, Grad Bihać, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku (Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „MODERNIZACIJA“ d.o.o. Gradačac, Podružnica Bihać, za ispuštanje onečišćenih oborinskih voda sa lokacije objekta za skladištenje sekundarnih sirovina sa pratećim sadržajima, izgrađenog u ulici Ribičkih Ijljana, na zemljištu označenom kao k.č. broj: 5796/1 i 5796/3 K.O. Bihać grad (novi premjer) Grad Bihać.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta stanice za prijem, sortiranje, rezanje i privremeno skladištenje sekundarnih sirovina sa pratećim sadržajima (za koje je izdato odobrenje za građenje ali ne i upotrebnom dozvola), isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da u roku važenja ovog rješenja korisnik, „MODERNIZACIJA“ d.o.o. Gradačac, Podružnica Bihać, izradi (ili izvrši dopunu priloženog projekta snabdijevanja vodom i dispozicijom otpadnih voda) i reviduje projekt vanjskog uređenja predmetnog lokaliteta sa tehničkim rješenjem sistema za prikupljanje, tretman i ispuštanje otpadnih voda sa lokacije predmetnog objekta za prikupljanje, sortiranje te skladištenje sekundarnih sirovina sa pratećim sadržajima te realizuje radove predviđene izrađenom projektnom dokumentacijom. Projektna dokumentacija treba biti urađena na nivou glavnog projekta od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH“, broj 17/08 i 38/12). Projektna dokumentacija pored općih uvjeta treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22) koja su bitna za konkretan slučaj, a naročito:
 - Situacioni prikaz svih hidrotehničkih objekata na predmetnoj lokaciji u adekvatnom mjerilu, urađen preko katastarske podloge sa prethodno urađenim geodetskim snimkom terena. Uraditi snimak izvedenih instalacija i internih saobraćajnih površina, radnog prostora za prijem, sortiranje te skladištenje sekundarnih sirovina. Dati prikaz i položaj taložnika, separatora ulja i masti, monitoring okna, priključka na gradsku infrastrukturu, i slično;
 - Jasno definirati površine za prijem, sortiranje, presovanje, pakovanje i privremeno skladištenje sekundarnih sirovina na otvorenom i u natkrivenom prostoru. Definirati površinu i položaj posuda za skladištenje akumulatora i baterija, položaj mašine za presovanje otpada, mašine za rezanje automobilske karoserije (ako je instalirana), i slično.

- Za postojeće stanje manipulativnog, radnog i skladišnog prostora koji je asfaltiran i prostora koji se planira asfaltirati ili betonirati uraditi hidraulički proračun količina potencijalno zauljenih oborinskih voda koje nastaju na lokalitetu stanice za prijem, sortiranje i skladištenje sekundarnih sirovina i tehničko rješenje njihovog prečišćavanja sa svim potrebnim proračunima i tehničkim opisom u odnosu na izvedeno stanje. Jasno definirati radne operacije prijema, sortiranja te skladištenja sekundarnih sirovina. Podnosilac zahtjeva može skladištiti samo one materija koje su odobrene okolišnom dozvolom, odnosno dozvolom za upravljanje otpadom i rješanjem za rad.
 - Na osnovu urađenog hidrauličkog proračuna oborinskih onečišćenih voda internih saobraćajnih površina i površina za skladištenje sekundarnih sirovina na otvorenom, izvršiti dimenzioniranje potrebnog taložnika za odvajanje suspendiranih materija te provjeru kapaciteta ugrađenog separatora ulja i masti,
 - Na osnovu proračunatih količina tehnoloških otpadnih voda definirati potrebu te, ako se pokaže potrebnim, način predtretmana otpadnih voda prije ispusta u kolektor javnog gradskog kanalizacionog sistema, na način kako to operator – JP „Vodovod“ d.o.o. Bihać, zahtjeva izdanim rješenjem, broj: 01-3022/22 od 14.10.2022. godine. Da bi operator javnog gradskog kanalizacionog sistema mogao izdati odobrenje za priključenje na kanalizacioni sistem kojim upravlja, moraju mu se dostaviti podaci navedeni u članu 28. stav (3) Pravilnika o sadržaju, obliku, uslovima, načinu izdavanja i čuvanja vodnih akata.
 - Dati prikaz i opis ugrađenog separatora ulja i masti, koji mora biti izgrađen u skladu sa EN 858-2, sa koalescentnim filterom i automatskim zatvaračem (postojećim projektom nije dat prikaz ugrađenog separatora, već separator od drugog proizvođača).
 - Prečišćene otpadne vode moraju ostati u maksimalno dopuštenim granicama definiranim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - Projektom dokumentacijom predvidjeti izradu monitoring okna za uzorkovanje prečišćenih voda, prije ispusta u recipijent, u skladu sa članom 8. stav (8) Uredbe, odnosno dati rješenje konačnog disponiranja prečišćenih voda i naznačiti mjesto vršenja monitoringa prečišćenih voda (okno za uzimanje uzoraka);
 - Dati prikaz i opis uređaja za prihvatanje, tretman te ispuštanje onečišćenih oborinskih voda.
 - Jasno naznačiti postojeće stanje i projektom predviđene intervencije te da se definira korišćenje parcele označena kao k.č. broj: 5770 K.O. Bihać-grad, koja nije predviđena za građenje prema pribavljenim aktima o građenju.
 - U projektu je potrebno definirati položaj objekta u odnosu na vodno dobro i plavno područje obližnjih vodotoka, zone sanitarne zaštite izvorišta vode za piće, te sagledati sve moguće neželjene uticaje na planirani objekt i planiranog objekta na druge objekte i postrojenja, sa osvrtom na uticaje na susjedne parcele i stečena prava korisnika, postojeću infrastrukturu, naselja i slično te dati prijedlog mjera sa tehničkim rješenjem za sprečavanje tih uticaja,
 - Ukoliko se nakon izvršenog hidrauličkog proračuna za onečišćene oborinske vode sa prostora internih saobraćajnih površina, odnosno za tehnološke otpadne vode sa radnog prostora za prijem, sortiranje te skladištenje sekundarnih sirovina, traženo tačkom 3.2. ovog rješenja, ustanovi da kvalitet onečišćenih oborinskih voda ne zadovoljava uvjete propisane Uredbom o ispuštanju otpadnih voda u okoliš i sisteme javne kanalizacije, onda je potrebno, u skladu sa članom 26. stav (2) Uredbe, uraditi detaljan dinamički plan koji sadrži spisak aktivnosti i mjera sa finansijskom procjenom za ulaganja (za svaku narednu godinu razrađeno po godinama) i smanjenje emisija sa predviđenim završetkom aktivnosti do roka iz stava (1) istoga člana, a u cilju zadovoljavanja uslova za ispuštanja tehnoloških otpadnih voda u skladu s Uredbom;
- 3.3. Izvršiti ispitivanje izvedenih vanjskih hidroinstalacija na vodonepropusnost i priložiti zapisnik o ispitivanju.
 - 3.4. Izvesti okno za uzorkovanje na cijevnom vodu neposredno iza uređaja za tretman otpadnih voda, a prije ispuštanja prečišćenih voda u predviđeni recipijent te izvršiti uzorkovanje otpadnih voda sukladno članu 19. stav (4) Uredbe o ispuštanju otpadnih voda u okoliš i sisteme javne kanalizacije.
 - 3.5. Da u roku važenja ovog rješenja, korisnik predmetnog objekta za aktivnosti na predmetnoj lokaciji i objektu pribavi upotrebnu dozvolu od strane nadležnog organa uprave.
 - 3.6. Da u roku važenja ovog rješenja, korisnik predmetnog objekta pribavi odobrenje operatora javnog gradskog kanalizacionog sistema, ukoliko se ispuštanje otpadnih voda vrši u isti, a shodno traženom predtretmanu tehnoloških otpadnih voda traženog izdanim rješenjem broj 01-3022/22.

- 3.7. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema zaključenom ugovoru.
- 3.8. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene vode sa saobraćajnih površina, odnosno sa radnih površina za prijem, sortiranje i privremeno skladištenje sekundarnih sirovina na otvorenom nesmetano sakupljaju i odvođe do objekta predviđenog za tretman tehnoloških otpadnih voda (taložnik i separator ulja i masti), a zatim tretirane vode ispuštaju u recipijent.
- 3.9. Objekte za prikupljanje, tretman i ispuštanje onečišćenih oborinskih i tehnoloških otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kao i sadržaja akumulatora i baterija, a kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.11. Da se redovno vrši monitoring prečišćene oborinske onečišćene vode iz okna za monitoring shodno članu 19. Uredbe o uslovima ispuštanja otpadnih voda u okoliš i sisteme javne kanalizacije te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
- 3.12. Talog iz separatora kao ni ostali opasni materijal i opad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „MODERNIZACIJA“ d.o.o. Gradačac, Podružnica Bihać je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 149. Zakona o vodama.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Sl. novine Federacije BiH“, broj 26/20 i 96/20) se daje sa rokom važenja do 19.12.2023. godine.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole. Ukoliko operator javnog gradskog sistema da saglasnost na urađenu projektnu dokumentaciju i izda odobrenje za priključak na kanizacioni sistem kojim upravlja, podnosilac zahtjeva biti će oslobođen pribavljanja novog vodnog akta od ove Agencije, a sve u skladu sa članom 110. stav (3) Zakona o vodama, za šta će mu biti izdan odgovarajući zaključak.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, „MODERNIZACIJA“ d.o.o. Gradačac, Podružnica Bihać, obratilo se ovoj Agenciji dana 31.08.2022. godine zahtjevom, broj: 367/08-2022, za izdavanje vodne dozvole za ispuštanje otpadnih voda sa lokacije poslovnog objekta sa pratećim sadržajima, izgrađenog u ulici Ribićkih ljiljana, Grad Bihać.

U provedenom postupku, uz zahtjev za izdavanje vodne dozvole dostavljena je i pregledana dokumentacija:

- Aktuelni izvod iz sudskog registra; izdan od strane Općinskog suda u Tuzli, Matični broj subjekta upisa: 32-01-0070-11, dana 22.06.2022. godine (ovjerena kopija),
- Uvjerenje o poreznoj registraciji, izdano dana 18.05.2011. godine od strane Federalnog ministarstva finansija – finansija, Porezne uprave – Kantonalnog poreznog ureda Tuzla (ovjerena kopija),
- Kopija naloga za plaćanje upravne pristojbe,
- Uvjerenje, kojim se ne smatraju bespravno izgrađeni objekti na k.č. br. 5769 K.O. Bihać-grad; izdano od strane Sektora za urbanizam, geodetsko-katastarske i imovinsko-pravne poslove Općine Bihać pod brojem 03/1-23-5862/99, dana 06.01.2000. godine, u Bihaću (ovjerena kopija),
- Rješenje o okolišnoj dozvoli, kojim se izdaje okolišna dozvola investitoru „MODERNIZACIJA“ d.o.o. Gradačac, Podružnica Bihać za skladištenje otpadaka od željeza uključujući i automobilske olupine u ukupnoj količini od 8.220 t/god na lokaciji ul. Ribićkih ljiljana bb, grad Bihać, na zemljištu označenom kao k.č. broj: 5769/1 i 5769/9 K.O. Bihać-grad; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-19-7116-UP-1/20, dana 10.12.2020. godine, u Bihaću (kopija),
- Opis tretmana otpada na predmetnoj lokaciji,
- Glavni projekat snabdijevanja vodom i dispozicija otpadnih voda za potrebe izgrađenog objekta za skladištenje sekundarnih sirovina; urađen od strane pravnog lica ATRIUS projekt d.o.o. Živinice pod brojem I-322-11/12, novembra 2021. godine,
 - Rješenje o vodnoj dozvoli, kojim se daje vodna dozvola investitoru „MODERNIZACIJA“ d.o.o. Gradačac-Podružnica Bihać za ispuštanje sanitarno-otpadnih voda iz poslovnog objekta (otkup sekundarnih sirovina) koji je izgrađen na zemljištu označenom kao k.č. br. 5769/1, 5769/6 i 5770 k.o. Bihać-grad, po novom katastarskom operatu; izdano od strane Službe za komunalne djelatnosti, vode, zaštitu okoliša i komunalnu inspekciju grada Bihaća pod brojem 04/1-21-1524/20, dana 17.08.2020. godine, u Bihaću (kopija),
 - Zaključak, kojim se odbacuje zahtjev pravnog lica „MODERNIZACIJA“ d.o.o. Gradačac, Podružnica Bihać, za izdavanje vodne dozvole za ispuštanje otpadnih voda sa lokacije postrojenja za reciklažu posebno izdvojenih materijala sa pratećim sadržajima, izgrađenog u ulici Ribićkih ljiljana broj 1, općina Bihać, na zemljištu označenom kao k.č. broj 5769/1 i 5770, PL broj 6345, K.O. Bihać-grad (novi katastarski operat), odnosno k.č. broj 405/6, ZKU 7575 K.O. SP_BIHAĆ (stari katastarski operat), općina Bihać, s obzirom da za predmetnu aktivnost, u skladu s odredbama člana 139. stav (1) Zakona o vodama FBiH, nije propisana obaveza pribavljanja vodnih akata od strane ove Agencije; izdano od strane Agencije za vodno područje rijeke Save Sarajevo pod brojem UP-I/25-3-40-379-4/20, dana 18.09.2020. godine (kopija).
- Molba za produženje roka za dostavljanje dokumentacije, veza: UP-1/21-3-40-450-2/22 od 15.09.2022. godine; upućena dana 10.10.2022. godine,
- Službena zabilješka o prijemu dokumentacije vezane za predmetni zahtjev, broj: UP-1/21-3-40-450-5/22 od 01.11.2022. godine,
 - Rješenje, kojim se korisniku Modernizacija d.o.o. Gradačac, Podružnica Bihać daje odobrenje za priključak na sistem javne kanalizacije i ispuštanje otpadnih voda u sistem javne kanalizacije objekta koji se nalazi na adresi Ribićkih ljiljana, Bihać, a izgrađen je na lokaciji k.č. broj 5769/1, 5769/6 i 5770 K.O. Bihać Grad; izdano od strane JP „Vodovod“ d.o.o. Bihać pod brojem 01-3022/22, dana 14.10.2022. godine (kopija).
- Popratni akt vezano za dopunu zahtjeva za izdavanje vodne dozvole i pismeno izjašnjenje, veza: - Zahtjev od 31.08.2022. godine, broj 367/08-2022 – UP-1/21-3-40-450-2/22 od 15.09.2022. godine; proslijeđeno od strane podnosioca zahtjeva dana 26.10.2022. godine,
- Elaborat o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za Modernizaciju d.o.o. Gradačac, lokacija Bihać; urađen pod brojem 652-022 od strane Laboratorije za ispitivanje voda Instituta za hemijsko inženjerstvo Tuzla, oktobra 2022. godine, u Tuzli,
- Rješenje, kojim se korisniku Modernizacija d.o.o. Gradačac, Podružnica Bihać daje odobrenje za priključak na sistem javne kanalizacije i ispuštanje otpadnih voda u sistem javne kanalizacije objekta koji se nalazi na adresi Ribićkih ljiljana, Bihać, a izgrađen je na lokaciji k.č. broj 5769/1, 5769/6 i 5770

- K.O. Bihać Grad; izdano od strane JP „Vodovod“ d.o.o. Bihać pod brojem 01-3022/22, dana 14.10.2022. godine (kopija).
- Ugovor o pružanju komunalnih usluga, zaključen dana 03.06.2020. godine sa JP „Vodovod“ d.o.o. Bihać pod brojem 01-11/20, odnosno brojem 01-1412/20 (kopija),
 - Ugovor o zakupu poslovnog objekta, zaključen sa Mujadžić Sakiba Zlatanom iz Bihaća na period do 01.06.2025. godine, ovjeren od strane notara, Edine Kečalović iz Bihaća pod brojem OPU-OV broj: 986/2020, dana 12.05.2020. godine, u Bihaću, (kopija),
 - Aneks ugovora o zakupu poslovnog prostora na period do 01.06.2030. godine, zaključen dana 27.04.2022. godine,
 - Certifikat za ugrađeni separator ulja i masti,
 - Rješenje o nostrifikaciji dokumenta o usklađenosti građevinskog proizvoda, odnosno tehničkog odobrenja – Slovenske tehničke saglasnosti, izdano od strane Zavoda za građevinarstvo Slovenije (Republika Slovenija) pod oznakom STS-15/0013 od 20.11.2015. godine, za proizvod pod nazivom „Rezervoari ROTERRA“; izdano od strane Federalnog ministarstva prostornog uređenja pod brojem UPI/03-19-2-222/20, dana 13.10.2020. godine, u Sarajevu,
 - Predračun broj: 168/2022,
 - Slovensko tehničko soglasje STS-15/018; izdano od strane Zavoda za gradbeništvo Slovenije sa rokom valjanosti do 19.11.2025. godine,
 - Izjava o svojstvima za Separator ulja RoSep NS 100 (l/s) sa koalescentnim filtrom, šifra: 7300074210, data u Puconcima dana 20.01.2017. godine,
 - Certifikat za sustav za odvajanje lakih tekućina separatori RoSep i Ro Oil; izdan od strane Instituta IGH d.d., dana 08.03.2021. godine, u Zagrebu.
 - Ponuda broj: 14-12-344/21, za izvođenje radova snabdijevanja vodom i dispozicija otpadnih voda za potrebe objekta za skladištenje sekundarnih sirovina; data od HC-ING d.o.o. Bihać,
 - Neovjerena kopija Kopije katastarskog plana, Katastarska općina: Bihać-Grad, Broj plana: 37, Nomenklatura lista: 5J14-BIHAC-2-8; izdana od strane Odsjeka za geodetsko katastarske poslove Službe za imovinsko-pravne i geodetske poslove Grada Bihaća pod UR BROJ: 06/2-26-2-367/2020-3, dana 23.10.2020. godine,
 - Zemljišnoknjižni izvadak, BROJ: 017-0-NAR-21-000 027, Zemljišnoknjižni uložak broj: 8537, Katastarska općina: BIHAĆ-GRAD; izdan od strane Zemljišnoknjižnog ureda Općinskog suda u Bihaću dana 05.01.2021. godine (kopija),
 - Aneks Ugovora o pružanju i korištenju komunalnih usluga prikupljanja, odvoza i deponovanja smeća; zaključen sa JKP „Komrad“ d.o.o. Bihać pod brojem: 1664-84/22 dana 22.06.2022. godine, odnosno, brojem: 264/07-2022, dana 04.07.2022. godine,
 - Rješenje o ispunjavanju uslova za obavljanje djelatnosti prikupljanja, prerade, proizvodnje i prometa sekundarnih sirovina i otpadnih materijala; izdano od strane Ministarstva privrede Unsko-sanskog kantona pod brojem 06-14-7521-UP-1/20, dana 16.12.2020. godine, u Bihaću (kopija),
 - Rješenje o ispunjavanju uvjeta tehničke opremljenosti poslovnih prostora za obavljanje djelatnosti prikupljanja, prerade, proizvodnje i prometa opasnih materijala i sekundarnih sirovina; izdano od strane Kantonalnog ministarstva privrede Unsko-sanskog kantona pod brojem 06-18-5061-UP-1/2022, dana 25.12.2002. godine, u Bihaću (kopija),
 - Izvod iz prostorno planske dokumentacije – Izvod iz urbanističkog plana Grada Bihaća („Sl. glasnik općine Bihać“ br. 03/03); izdan od strane Službe za urbanističko planiranje, građenje i urbanističko-građevinsku inspekciju Grada Bihaća pod brojem 03/1-19-1-Sl./20, dana 06.07.2020. godine, u Bihaću (kopija).

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled objekta stanice za prijem, sortiranje i privremeno skladištenje sekundarnih sirovina sa pratećim sadržajima korisnika „MODERNIZACIJA“ d.o.o. Gradačac, Podružnica Bihać, lociran u ulici Ribičkih ljljlana, Grad Bihać, i tom prilikom sačinjen zapisnik o uviđaju broj: UP-1/21-3-40-450-8/22, dana 05.12.2022. godine.

Poslovni objekt stanice za prijem, sortiranje i privremeno skladištenje sekundarnih sirovina sa pratećim sadržajima „MODERNIZACIJA“ d.o.o. Gradačac, Podružnica Bihać, je izgrađen u ulici Ribičkih ljljlana, u Bihaću. Na lokaciji su izgrađeni objekti: upravna zgrada sa upravnim i sanitarnim prostorijama, četiri nadstrešnice za skladištenje sirovina i recikliranih materijala, alatnica, kolska vaga, mašina za rezanje automobilskih karoserija, separatora ulja i masti, internih asfaltnih manipulativnih površina te površina za prijem sekundarnih sirovina na otvorenom. Plato je ograden sa lijeve bočne strane ogradnim zidom u visini cca 2 metra prema susjednoj parceli, a sa stražnje i lijeve bočne strane ogradom od žičanog pletiva u visini cca 2 metra, a prema ulici je izvedena metalna ograda sa kliznom kapijom.

Na prostoru predmetnog pogona se vrši prijem, klasifikacija/sortiranje, rezanje metalnih dijelova i automobilskih karoserija, presovanje i pakovanje presovanih sirovina, slaganje na palete. Također se vrši otkup akumulatora i baterija svih vrsta, pohrana u namjenske PVC posude te daljnja distribucija i prodaja sekundarnih sirovina. Objekti sa manipulativnim i skladišnim površinama se nalaze na ravnom terenu, a po sredini platoa su ugrađeni ulični slivnici za prijem oborinskih onečišćenih voda sa istog.

Sanitarne otpadne vode iz objekta upravne zgrade su kanalizacionim cijevnim sistemom priključene u kolektor javnog gradskog kanalizacionog sistema. Oborinske vode sa krovova su sistemom horizontalnih i vertikalnih oluka sprovedene do internih manipulativnih površina. Oborinske vode sa manipulativnih i skladišnih površina, koje mogu da sadrže produkte naftnih derivata i suspendirane materije sa zaprimljenih i uskladištenih sekundarnih sirovina te vozila u prometu istim, se nivelacijom terena slijevaju ka uličnim slivnicima te preko separatora ulja i masti ispuštaju u kolektor javnog gradskog kanalizacionog sistema. Veći dio manipulativnog platoa sa prostorom za prijem i skladištenje sekundarnih sirovina je asfaltiran, slabo ili nikako nivelisan, a dio površina je samo tamponiran bez finalne obrade.

Naprijed navedeno je konstatirano vizuelnim pregledom i u razgovoru sa korisnikom predmetnog objekta pri uviđaju na lokaciji, a tačno stanje treba da se potvrdi projektom izvedenog stanja, zahtjevanog tačkom 3.2 rješenja.

Priložen je izvještaj o mjeranju kvaliteta otpadnih tehnoloških voda, urađen oktobra 2022. godine, koji pokazuje da su parametri u okviru dozvoljenih vrijednosti propisanih Uredbom, međutim, nije precizirano mjesto na kojem izvršeno uzimanje uzorka.

Bespravnim se ne smatraju objekti izgrađeni na zemljištu označenom kao k.č. broj: 5769/1 i 5769/6. Dio objekta za skladištenje kao i plato na otvorenom je izgrađen i na zemljištu označenom kao k.č. broj 5770 K.O. Bihać-grad.

Akti o građenju, okolinska dozvola i prijašnji vodni akti su izdani na prethodne vlasnike, odnosno korisnike. Podnosilac zahtjeva je priložio zemljišnoknjižni uložak kao dokaz vlasništva na predmetnoj nekretnini, odnosno ugovor o zakupu.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „MODERNIZACIJA“ d.o.o. Gradačac, Podružnica Bihać, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „MODERNIZACIJA“ d.o.o. Gradačac, Podružnica Bihać, Ribićkih ljljana bb, 77 000 Bihać,
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava